


佛說梵網經菩薩心地品菩薩戒

佛尼牟迦釋師本無南



照慈年晚師大一弘

明蕩益大師勸持梵網心地品序

夫有心者，皆得作佛。則皆為佛戒所攝。既為佛戒所攝，胡容不誦此戒法。此戒法，名為心地品者。心外無法。法外更無心也。故又云。不受戒者，如木石無心。名為外道。噫，可思矣。今人高談心性，妄謂戒不必受。逮

有受者又茫不知心性為何物一義甫晦兩病旋生  
狂談之心固非真心愚稟之戒亦豈真戒但事能挾  
理戒善猶可遠作緣因理不孤立空談適為邪見張  
本所以涅槃後唱扶律為宗梵網初成木又先結心  
地一品尤末劫津梁昏衢寶炬哉予憫了因果沙彌  
福慧俱缺勵以日課斯品稍沾法喜思勸同仁經云  
菩薩常應化一切發菩提心若不發教化眾生心者  
犯輕垢罪果也勉之堅其神強其志恆其操篤其行  
盡大地有情咸歸心地法門莫以三千為畢竟也

十重戒科目 依梵網合註錄

- |          |           |
|----------|-----------|
| 一第殺戒     | 二第盜戒      |
| 三第姪戒     | 四第妄語戒     |
| 五第酗酒戒    | 六第說四眾過戒   |
| 七第自讚毀他戒  | 八第慳惜加毀戒   |
| 九第瞋心不受悔戒 | 十第謗三寶戒    |
| 四十八輕戒科目  |           |
| 一第不敬師友戒  | 二第飲酒戒     |
| 三第食肉戒    | 四第食五辛戒    |
| 五第不教悔罪戒  | 六第不供給請法戒  |
| 七第不往聽法戒  | 八第心背大乘戒   |
| 九第不看病戒   | 十第畜殺具戒    |
| 一第十國使戒   | 二第十販賣戒    |
| 三第十謗毀戒   | 四第十放大焚燒戒  |
| 五第十僻教戒   | 六第十為利倒說戒  |
| 七第十恃勢乞求戒 | 八第十無解作師戒  |
| 九第十兩舌戒   | 十第二不行放救戒  |
| 十第一瞋打報讎戒 | 十第二憍慢不請法戒 |
| 十第三憍慢僻說戒 | 十第四不習學佛戒  |
| 十第五不善知眾戒 | 十第六獨受利養戒  |



- |          |          |
|----------|----------|
| 第十二受別請戒  | 第十二別請僧戒  |
| 第九邪命戒    | 第三經理白衣戒  |
| 第三不行救贖戒  | 第三損害眾生戒  |
| 第三邪業覺觀戒  | 第三暫離菩提心戒 |
| 第五不發願戒   | 第三不發誓戒   |
| 第七冒難遊行戒  | 第八乖尊卑次第戒 |
| 第九不修福慧戒  | 第四揀擇受戒戒  |
| 第一為利作師戒  | 第二為惡人說戒戒 |
| 第三故起犯戒心戒 | 第四不供養經典戒 |
| 第五不化眾生戒  | 第六說法不如法戒 |
| 第七非法制限戒  | 第八破法戒    |

佛說梵網經菩薩心地品菩薩戒

姚秦三藏法師鳩摩羅什譯

爾時釋迦牟尼佛從初現蓮華臺藏世界東方來入天王宮中說魔受化經已下生南閻浮提迦夷羅國母名摩耶父字白淨吾名悉達七歲出家三十戒道號吾為釋迦牟尼佛於寂滅道場坐金剛華光王座乃至摩醯首羅天王宮其中次第十位處所說時佛觀諸大梵天王網羅幢因為說無量世界猶如網孔一一世界各各不同別異無量佛教門亦復如是吾今來此世界八千返為此娑婆世界坐金剛華光王座乃至摩醯首羅天王宮為是中一切大眾略開心地法門竟復從天王宮下至閻浮提菩提樹下為此地上一切眾生凡夫癡暗之人說我本盧舍那佛心地中初發心中常所誦一戒光明金剛寶戒是一切佛本源一切菩薩本源佛性種子一切眾生皆有佛

性一切意識色心是情是心皆入佛性戒中當當常有因故當當常住法身如是十波羅提木又出於世界是法戒是三世一切眾生頂戴奉持吾今當為此大眾重說無盡藏戒品是一切眾生戒本源自性清淨

我今盧舍那 方坐蓮華臺 周匝千華上  
復現千釋迦 一華百億國 一國一釋迦  
各坐菩提樹 一時成佛道 如是千百億  
盧舍那本身 千百億釋迦 各接微塵眾  
俱來至我所 聽我誦佛戒 甘露門即開  
是時千百億 還至本道場 各坐菩提樹  
誦我本師戒 十重四十八 戒如明日月  
亦如纓絡珠 微塵菩薩眾 由是成正覺  
是盧舍那誦 我亦如是誦 汝新學菩薩  
頂戴受持戒 受持是戒已 轉授諸眾生  
諦聽我正誦 佛法中戒藏 波羅提木又  
大眾心諦信 汝是當成佛 我是已成佛  
常作如是信 戒品已具足 一切有心者  
皆應攝佛戒 眾生受佛戒 即入諸佛位  
位同大覺已 真是諸佛子 大眾皆恭敬

至心聽我誦

爾時釋迦牟尼佛初坐菩提樹下成無上正覺已初結菩薩波羅提木又孝順父母師僧三寶孝順至道之法孝名為戒亦名制止佛即口放無量光明是時百萬億大眾諸菩薩十八梵天六欲天子十六大國王合掌至心聽佛誦一切諸佛大乘戒佛告諸菩薩言我今半月半月自誦諸佛法戒汝等一切發心菩薩乃至十發趣十長養十金剛十地諸菩薩亦誦是故戒光從口出有緣非無因故光光非青黃赤白黑非色非心非有非無非因果法是諸佛之本源行善

薩道之根本是大眾諸佛子之根本是故大眾諸佛子應受持應讀誦應善學佛子諦聽若受佛戒者國王王子百官宰相比丘比丘尼十八梵天六欲天子庶民黃門媼男媼女奴婢八部鬼神金剛神畜生乃至變化人但解法師語盡受得戒皆名第一清淨者佛告諸佛子言有十重波羅提木又若受菩薩戒下誦此戒者非菩薩非佛種子我亦如是誦一切菩薩已學一切菩薩當學一切菩薩今學已略說菩薩波羅提木又相貌應當學敬心奉持佛言若佛子若自殺教人殺方便殺讚歎殺見作隨喜乃至呪殺殺因殺緣殺法殺業乃至一切有命者不得故殺是菩薩應起常住慈悲心孝順心方便救護一切眾生而反自恣心快意殺生者是菩薩波羅夷罪

若佛子自盜教人盜方便盜呪盜盜因盜緣盜法盜業乃至鬼神有主劫賊物一切財物一針一草不得故盜而菩薩應生佛性孝順心慈悲心常助一切人生福生樂而反更盜人財物者是菩薩波羅夷罪

若佛子自媼教人媼乃至一切女人不得故媼媼因媼緣媼法媼業乃至畜生女諸天鬼神女及非道行媼而菩薩應生孝順心救度一切眾生淨法與人而反更起一切人媼不擇畜生乃至母女姊妹六親行媼無慈悲心者是菩薩波羅夷罪

若佛子自妄語教人妄語方便妄語妄語因妄語緣妄語法妄語業乃至不見言見見言不見身心妄語而菩薩常生正語正見亦生一切眾生正語正見而反更起一切眾生邪語邪見邪業者是菩薩波羅夷罪

若佛子自酤酒教人酤酒酤酒因酤酒緣酤酒法酤酒業一切酒不得酤是酒起罪因緣而菩薩應生一



切眾生明達之慧而反更生一切眾生顛倒之心者  
是菩薩波羅夷罪

若佛子口自說出家在家菩薩比丘比丘尼罪過教  
人說罪過罪過因罪過緣罪過法罪過業而菩薩聞  
外道惡人及二乘惡人說佛法中非法非律常生慈  
心教化是惡人輩今生大乘善信而菩薩反更自說  
佛法中罪過者是菩薩波羅夷罪

若佛子自讚毀他亦教人自讚毀他毀他因毀他緣  
毀他法毀他業而菩薩應代一切眾生受加毀辱惡  
事向自己好事與他人若自揚己德隱他人好事令  
他人受毀者是菩薩波羅夷罪

若佛子自慳教人慳慳因慳緣慳法慳業而菩薩見  
一切貧窮人來乞者隨前人所須一切給與而菩薩  
以惡心瞋心乃至不施一錢一針一草有求法者不  
為說一句一偈一微塵許法而反更罵辱者是菩薩

波羅夷罪

若佛子自瞋教人瞋瞋因瞋緣瞋法瞋業而菩薩應  
生一切眾生善根無諍之事常生慈悲心孝順心而  
反更於一切眾生中乃至於非眾生中以惡口罵辱  
加以手打及以刁杖意猶不息前人求悔善言懺謝  
猶瞋不解者是菩薩波羅夷罪

若佛子自謗三寶教人謗三寶謗因謗緣謗法謗業  
而菩薩見外道及以惡人一言謗佛音聲如三百矛  
刺心况口自謗不生信心孝順心而反更助惡人邪  
見人謗者是菩薩波羅夷罪

善學諸仁者是菩薩十波羅提木又應當學於中不  
應一一犯如微塵許何况具足犯十戒若有犯者不  
得現身發菩提心亦失國王位轉輪王位亦失比丘  
比丘尼位亦失十發趣十長養十金剛十地佛性常  
住妙果一切皆失墜三惡道中二劫三劫不聞父母

三寶名字以是不應一一犯汝等一切菩薩今學當  
學已學如是十戒應當學敬心奉持八萬威儀品當  
廣明

佛告諸菩薩言已說十波羅提木又竟四十八輕今  
當說

若佛子欲受國王位時受轉輪王位時百官受位時  
應先受菩薩戒一切鬼神救護王身百官之身諸佛  
歡喜既得戒已生孝順心恭敬心見上座和尚阿闍  
梨大德同學同見同行者應起承迎禮拜問訊而菩  
薩反生憍心慢心癡心瞋心不起承迎禮拜一一不  
如法供養以自賣身國城男女七寶百物而供給之  
若不爾者犯輕垢罪

若佛子故飲酒而酒生過失無量若自身手過酒器  
與人飲酒者五百世無手何況自飲亦不得教一切  
人飲及一切眾生飲酒况自飲酒一切酒不得飲若  
故自飲教人飲者犯輕垢罪

若佛子故食肉一切眾生肉不得食夫食肉者斷大  
慈悲佛性種子一切眾生見而捨去是故一切菩薩  
不得食一切眾生肉食肉得無量罪若故食者犯輕  
垢罪

若佛子不得食五辛大蒜葱蔥蘭蔥興渠是五  
辛一切食中不得食若故食者犯輕垢罪

若佛子見一切眾生犯八戒五戒十戒毀禁七逆八  
難一切犯戒罪應教懺悔而菩薩不教懺悔同住同  
僧利養而共布薩一眾說戒而不舉其罪不教悔過  
者犯輕垢罪

若佛子見大乘法師大乘同學同見同行來入僧坊  
舍宅城邑若百里千里來者即起迎來送去禮拜供  
養日日三時供養日食三兩金百味飲食牀座醫藥  
供事法師一切所須盡給與之常請法師三時說法

日日三時禮拜不生瞋心患惱之心為法滅身請法  
不懈若不爾者犯輕垢罪

若佛子一切處有講法毗尼經律大宅舍中有講法  
處是新學菩薩應持經律卷至法師所聽受諮問若  
山林樹下僧地房中一切說法處悉至聽受若不  
彼聽受諮問者犯輕垢罪

若佛子心背大乘常住經律言非佛說而受持二乘  
聲聞外道惡見一切禁戒邪見經律者犯輕垢罪

若佛子見一切疾病人常應供養如佛無異八福田  
中看病福田是第一福田若父母師僧弟子病諸根  
不具百種痛苦惱皆供養令差而菩薩以瞋恨心不  
看乃至僧坊城邑曠野山林道路中見病不救濟者  
犯輕垢罪

若佛子不得畜一切刁杖弓箭矛斧鬪戰之具及惡  
網羅罽殺生之器一切不得畜而菩薩乃至殺父母  
尚不加報况殺一切眾生不得畜殺眾生具若故畜  
者犯輕垢罪

如是十戒應當學敬心奉持下六度品中廣明  
若佛子不得為利養惡心故通國使命軍陣合會興  
師相伐殺無量眾生而菩薩尚不得入軍中往來况  
故作國賊若故作者犯輕垢罪

若佛子故販賣良人奴婢六畜市易棺材板木盛死  
之具尚不應自作况教人作若故自作教人作者犯  
輕垢罪

若佛子以惡心故無事誇他良人善人法師師僧國  
王貴人言犯七逆十重於父母兄弟六親中應生孝  
順心慈悲心而反更加於逆害墮不如意處者犯輕  
垢罪

若佛子以惡心故放大火燒山林曠野四月乃至九  
月放火若燒他人家屋宅城邑僧坊田木及鬼神官



物一切有生物不得故燒若故燒者犯輕垢罪  
若佛子自佛弟子及外道惡人六親一切善知識應  
一一教受持大乘經律應教解義理使發菩提心十  
發趣心十長養心十金剛心於三十心中一一解其  
次第法用而菩薩以惡心瞋心橫教二乘聲聞經律  
外道邪見論等犯輕垢罪  
若佛子應好心先學大乘威儀經律廣開解義味見  
後新學菩薩有從百里千里來求大乘經律應如法  
為說一切苦行若燒身燒臂燒指若不燒身臂指供  
養諸佛非出家菩薩乃至餓虎狼師子一切餓鬼悉  
應捨身肉手足而供養之然後一一次第為說正法  
使心開意解而菩薩為利養故應答不答倒說經律  
文字無前無後誇三寶說者犯輕垢罪  
若佛子自為飲食錢財利養名譽故親近國王王子  
大臣百官恃作形勢乞索打拍牽挽橫取錢物一切  
求利名為惡求多求教他人求都無慈心無孝順心  
者犯輕垢罪  
若佛子應學十二部經誦戒者日日六時持菩薩戒  
解其義理佛性之性而菩薩不解一句一偈及戒律  
因緣詐言能解者即為自欺誑亦欺誑他人一一不  
解一切法不知而為他人作師授戒者犯輕垢罪  
若佛子以惡心故見持戒比丘手捉香爐行菩薩行  
而鬪遘兩頭誇欺賢人無惡不造者犯輕垢罪  
若佛子以慈心故行放生業一切男子是我父一切  
女人是我母我生生無不從之受生故六道眾生皆  
是我父母而殺而食者即殺我父母亦殺我故身一  
切地水是我先身一切火風是我本體故常行放生  
生生受生常住之法教人放生若見世人殺畜生時  
應方便救護解其苦難常教化講說菩薩戒救度眾  
生若父母兄弟死亡之日應請法師講菩薩戒經律

福資亡者得見諸佛生人天上若不爾者犯輕垢罪  
如是十戒應當學敬心奉持如滅罪品中廣明一一  
戒相

若佛子不得以瞋報瞋以打報打若殺父母兄弟六  
親不得加報若國主為他人殺者亦不得加報殺生  
報生不順孝道尚不畜奴婢打拍罵辱日日起三業  
口罪無量况故作七逆之罪而出家菩薩無慈心報  
雖乃至六親中故報者犯輕垢罪

若佛子初始出家未有所解而自恃聰明有智或恃  
高貴年宿或恃大姓高門大解大福大富饒財七寶  
以此憍慢而不諮受先學法師經律其法師者或小  
姓年少卑門貧窮下賤諸根不具而實有德一切經  
律盡解而新學菩薩不得觀法師種姓而不來諮受  
法師第一義諦者犯輕垢罪

若佛子佛滅度後欲以好心受菩薩戒時於佛菩薩  
形像前自誓受戒當以七日佛前懺悔得見好相便  
得戒若不得好相應二七三七乃至一年要得好相  
得好相已便得佛菩薩形像前受戒若不得好相雖  
佛像前受戒不名得戒若先受菩薩戒法師前受戒  
時不須要見好相何以故是法師師師相授故不須  
好相是以法師前受戒時即得戒以生至重心故便  
得戒若干里內無能授戒師得佛菩薩形像前自誓  
受戒而要見好相若法師自倚解經律大乘學戒與  
國王太子百官以為善友而新學菩薩來問若經義  
律義輕心惡心慢心不一一好答問者犯輕垢罪

若佛子有佛經律大乘法正見正性正法身而不能  
勤學修習而捨七寶反學邪見二乘外道俗典阿毗  
曇雜論一切書記是斷佛性障道因緣非行菩薩道  
者若故作者犯輕垢罪

若佛子佛滅度後為說法主為行法主為僧坊主教



化主坐禪主行來主應生慈心善和鬪諍善守三寶物莫無度用如自己有而反亂眾鬪諍恣心用三寶物者犯輕垢罪

若佛子先在僧坊中住後見客菩薩比丘來入僧坊舍宅城邑若國王宅舍中乃至夏坐安居處及大會中先住僧應迎來送去飲食供養房舍臥具繩牀木牀事事給與若無物應賣自身及男女身割自身肉賣供給所須悉以與之若有擅越來請眾僧客僧有利養分僧坊主應次第差客僧受請而先住僧獨受請而不差客僧者僧坊主得無量罪畜生無異非沙門非釋種姓犯輕垢罪

若佛子一切不得受別請利養入己而此利養屬十方僧而別受請即是取十方僧物入己及八福田中諸佛聖人一一師僧父母病人物自己用故犯輕垢罪

若佛子有出家菩薩在家菩薩及一切檀越請僧福田求願之時應入僧坊問知事人今欲請僧求願知事報言次第請者即得十方賢聖僧而世人別請五百羅漢菩薩僧不如僧次一凡夫僧若別請僧者是外道法七佛無別請法不順孝道若故別請僧者犯輕垢罪

若佛子以惡心故為利養販賣男女色自手作食自磨自舂占相男女解夢吉凶是男是女呪術工巧調鷹方法和合百種毒藥千種毒藥蛇毒生金銀毒蠱毒都無慈愍心無孝順心若故作者犯輕垢罪

若佛子以惡心故自身謗三寶詐現親附口便說空行在有中經理白衣為白衣通致男女交會淫色作諸縛著於六齋日年三長齋月作殺生劫盜破齋犯戒者犯輕垢罪

如是十戒應當學敬心奉持制戒品中廣明

佛言佛子佛滅度後於惡世中若見外道一切惡人劫賊賣佛菩薩父母形像及賣經律販賣比丘比丘尼亦賣發菩提心菩薩道人或為官使與一切人作奴婢者而菩薩見是事已應生慈悲心方便救護處處教化取物贖佛菩薩形像及比丘比丘尼發心菩薩一切經律若不贖者犯輕垢罪

若佛子不得販賣刀杖弓箭畜輕秤小斗因官形勢取人財物害心繫縛破壞成功長養貓狸豬狗若故養者犯輕垢罪

若佛子以惡心故觀一切男女等鬪軍陣兵將劫賊等鬪亦不得聽吹貝鼓角琴瑟箏笛瑩篴歌叫妓樂之聲不得擣蒲團碁波羅塞戲彈碁六博拍翅擲石投壺牽道八道行城爪鏡著草楊枝鉢盂髑髏而作卜筮不得作盜賊使命一一不得作若故作者犯輕垢罪

若佛子護持禁戒行住坐臥日夜六時讀誦是戒猶如金剛如帶持淨囊欲度大海如草繫比丘常生大乘善信自知我是未成之佛諸佛是已成之佛發菩提心念念不去心若起一念二乘外道心者犯輕垢罪

若佛子常應發一切願孝順父母師僧願得好師同學善知識常教我大乘經律十發趣十長養十金剛十地使我開解如法修行堅持佛戒寧捨身命念念不去心若一切菩薩不發是願者犯輕垢罪

若佛子發是十大願已持佛禁戒作是誓言寧以此身投熾然猛火大坑刀山終不毀犯三世諸佛經律與一切女人作不淨行復作是願寧以熱鐵羅網千重周而纏身終不以此破戒之身受於信心檀越一切衣服復作是願寧以此口吞熱鐵丸及大流猛火經百千劫終不以此破戒之口食於信心檀越百味



飲食復作是願寧以此身臥大流猛火羅網熱鐵地上終不以此破戒之身受於信心檀越百種牀座復作是願寧以此身受三百矛刺身經一劫二劫終不以此破戒之身受於信心檀越百味醫藥復作是願寧以此身投熱鐵鑊經百千劫終不以此破戒之身受於信心檀越千種房舍屋宅園林田地復作是願寧以鐵鎚打碎此身從頭至足令如微塵終不以此破戒之身受於信心檀越恭敬禮拜復作是願寧以百千熱鐵刀矛挑其兩目終不以此破戒之心視他好色復作是願寧以百千鐵錐剗刺耳根經一劫二劫終不以此破戒之心聽好音聲復作是願寧以百千刃刀割去其鼻終不以此破戒之心貪齷諸香復作是願寧以百千刃刀割斷其舌終不以此破戒之心食人百味淨食復作是願寧以利斧斬破其身終不以此破戒之心貪著好觸復作是願願一切眾生悉得成佛而菩薩若不發是願者犯輕垢罪若佛子常應二時頭陀冬夏坐禪結夏安居常用楊枝澡豆三衣餅鉢坐具錫杖香鑪奩澆水囊手中刀子火燧鑷子繩牀經律佛像菩薩形像而菩薩行頭陀時及遊方時行來百里千里此十八種物常隨身頭陀者從正月十五日至三月十五日八月十五日至十月十五日是二時中此十八種物常隨其身如鳥二翼若布薩日新學菩薩半月半月常布薩誦十重四十八輕戒若誦戒時當於諸佛菩薩形像前誦一人布薩即一人誦若二人三人至百千人亦一人誦誦者高座聽者下座各各披九條七條五條袈裟若結夏安居時亦應一一如法若行頭陀時莫入難處若惡國界若惡國王土地高下草木深邃師子虎狼水火風難及以劫賊道路毒蛇一切難處悉不得入頭陀行道乃至夏坐安居是諸難處皆不得入

若故入者犯輕垢罪

若佛子應如法次第坐先受戒者在前坐後受戒者在後坐不問老少比丘比丘尼貴人國王王子乃至黃門奴婢皆應先受戒者在前坐後受戒者次第而坐莫如外道癡人若老若少無前無後坐無次第如兵奴之法我佛法中先者先坐後者後坐而菩薩一不如法次第坐者犯輕垢罪

若佛子常應教化一切眾生建立僧坊山林園田立作佛塔冬夏安居坐禪處所一切行道處皆應立之而菩薩應為一切眾生講說大乘經律若疾病國難賊難父母兄弟和尚阿闍黎亡滅之日及三七日四五七日乃至七七亦應講說大乘經律一切齋會求願行來治生大火所燒大水所漂黑風所吹船舫江湖大海羅刹之難亦讀誦講說此經律乃至一切罪報三惡八難七逆杻械枷鎖繫縛其身多婬多瞋多愚癡多疾病皆應講此經律而新學菩薩若不爾者犯輕垢罪

如是九戒應當學敬心奉持梵壇品當廣明  
若佛子與人受戒時不得揀擇一切國王王子大臣百官比丘比丘尼信男信女婬男婬女十八梵天六欲天子無根二根黃門奴婢一切鬼神盡得受戒應教身所著袈裟皆使壞色與道相應皆染使青黃赤黑紫色一切染衣乃至臥具盡以壞色身所著衣一切染色若一切國土中國人所著衣服比丘皆應與其俗服有異若欲受戒時師應問言汝現身不作七逆罪不善薩法師不得與七逆人現身受戒七逆者出佛身血殺父殺母殺和尚殺阿闍黎破羯磨轉法輪僧殺聖人若具七逆即現身不得戒餘一切人盡得受戒出家人法不向國王禮拜不向父母禮拜六親不敬鬼神不禮但解法師語有百里千里來求法



者而菩薩法師以惡心瞋心而不即與授一切眾生  
戒者犯輕垢罪  
若佛子教化人起信心時菩薩與他人作教誡法師  
者見欲受戒人應教請二師和尚阿闍梨二師應問  
言汝有七遮罪不若現身有七遮罪者師不應與受  
戒若無七遮者得與受戒若有犯十戒者應教懺悔  
在佛菩薩形像前日夜六時誦十重四十八輕戒若  
到禮三世千佛得見好相若一七日二三日乃至  
一年要見好相好相者佛來摩頂見光見華種種異  
相便得減罪若無好相雖懺無益是人現身亦不得  
戒而得增益受戒若犯四十八輕戒者對首懺悔罪  
便得減不同七遮而教誡師於是法中一一好解若  
不解大乘經律若輕若重是非之相不解第一義諦  
習種性長養性性種性不可壞性道種性正法性其  
中多少觀行出入十禪支一切行法一一不得此法  
中意而菩薩為利養故為名聞故惡求多求貪利第  
子而詐現解一切經律為供養故是自欺詐亦欺詐  
他人故與人授戒者犯輕垢罪  
若佛子不得為利養故於未受菩薩戒者前若外道  
惡人前說此千佛大戒邪見人前亦不得說除國王  
餘一切不得說是惡人輩不受佛戒名為畜生生  
之處不見三寶如木石無心名為外道邪見人輩木  
頭無異而菩薩於是惡人前說七佛教戒者犯輕垢  
罪  
若佛子信心出家受佛正戒故起心毀犯聖戒者不  
得受一切檀越供養亦不得國王地上行不得飲國  
王水五千大鬼常遮其前鬼言大賊若入房舍城邑  
宅中鬼復常掃其腳迹一切世人皆罵言佛法中賊  
一切眾生眼不欲見犯戒之人畜生無異木頭無異  
若故毀正戒者犯輕垢罪

若佛子常應一心受持讀誦大乘經律剝皮為紙刺  
血為墨以髓為水析骨為筆書寫佛戒木皮穀紙絹  
素竹帛亦悉書持常以七寶無價香華一切雜寶為  
香囊盛經律卷若不如法供養者犯輕垢罪  
若佛子常起大悲心若入一切城邑舍宅見一切眾  
生應當唱言汝等眾生盡應受三歸十戒若見牛馬  
豬羊一切畜生應心念口言汝是畜生發菩提心而  
菩薩入一切處山林川野皆使一切眾生發菩提心  
是菩薩若不發教化眾生心者犯輕垢罪  
若佛子常應教化起大悲心若入檀越貴人家一切  
眾中不得立為白衣說法應在白衣眾前高座上坐  
法師比丘不得地立為四眾說法若說法時法師高  
座香華供養四眾聽者下坐如孝順父母敬順師教  
如事大婆羅門其說法者若不如法說犯輕垢罪  
若佛子皆已信心受佛戒者若國王太子百官四部  
弟子自恃高貴破滅佛法戒律明作制法制我四部  
弟子不聽出家行道亦復不聽造立形像佛塔經律  
立統官制眾使安籍記僧菩薩比丘地立白衣高座  
廣行非法如兵奴事主而菩薩正應受一切人供養  
而反為官走使非法非律若國王百官好心受佛戒  
者莫作是破三寶之罪若故作破法者犯輕垢罪  
若佛子以好心出家而為名聞利養於國王百官前  
說佛戒者橫與比丘比丘尼菩薩戒弟子作繫縛事  
如獄囚法如兵奴之法如師子身中蟲自食師子肉  
非餘外蟲如是佛子自破佛法非外道天魔能破若  
受佛戒者應護佛戒如念一子如事父母不可毀破  
而菩薩聞外道惡人以惡言謗破佛戒之聲如三百  
矛刺心千刀萬杖打拍其身等無有異寧自入地獄  
經於百劫而不一聞惡人以惡言謗破佛戒之聲而  
况自破佛戒教人破法因緣亦無孝順之心若故作



者犯輕垢罪

如是九戒應當學敬心奉持

諸佛子是四十八輕戒汝等受持過去諸菩薩已誦  
未來諸菩薩當誦現在諸菩薩今誦

諸佛子聽十重四十八輕戒三世諸佛已誦當誦今  
誦我今亦如是誦汝等一切大眾若國王王子百官  
比丘比丘尼信男信女受持菩薩戒者應受持讀誦  
解說書寫佛性常住戒卷流通三世一切眾生化化  
不絕得見千佛為千佛授手世世不墮惡道八難常  
生人道天中我今在此樹下略開七佛法戒汝等大  
眾當一心學波羅提木叉歡喜奉行如無相天王品  
勸學中一一廣明三千學士時坐聽者聞佛自誦心  
心頂戴歡喜受持

爾時釋迦牟尼佛說上蓮華臺藏世界盧舍那佛所  
說心地法門品中十無盡戒法品竟千百億釋迦亦  
如是說從摩醯首羅天王宮至此道樹下十住處說  
法品為一切菩薩不可說大眾受持讀誦解說其義  
亦如是千百億世界蓮華藏世界微塵世界一切佛  
心藏地藏戒藏無量行願藏因果佛性常住藏如是  
一切佛說無量一切法藏竟千百億世界中一切眾  
生受持歡喜奉行若廣開心地相相如佛華光五七  
行品中說

明人忍慧強 能持如是法 未成佛道間  
安獲五種利 一者十方佛 愍念常守護  
二者命終時 正見心歡喜 三者生生處  
為諸菩薩友 四者功德聚 戒度悉成就  
五者今後世 性戒福慧滿 此是諸佛子  
智者善思量 計我著相者 不能生是法  
滅壽取證者 亦非下種處 欲長菩提苗  
光明照世間 應當靜觀察 諸法真實相

不生亦不滅 不常復不斷 不一亦不異  
不來亦不去 如是一心中 方便勤莊嚴  
菩薩所應作 應當次第學 於學於無學  
勿生分別想 是名第一道 亦名摩訶衍  
一切戲論惡 悉從是處滅 諸佛菩薩若  
悉由是處出 是故諸佛子 宜發大勇猛  
於諸佛淨戒 護持如明珠 過去諸菩薩  
已於是中學 未來者當學 現在者今學  
此是佛行處 聖主所稱歎 我已隨順說  
福德無量聚 回以施眾生 共向一切智  
願聞是法者 悉得成佛道

佛說梵網經



庚申七月同學弘傘義兄喪母為寫佛說梵網經菩薩心地品菩薩戒一卷并誦是戒以為日課惟願福資亡者得見諸佛生人天上 演音敬記

諸惡莫作眾善奉行究竟  
如是必圓佛乘

乙丑仲秋下浣 釋印光題

經云我是已成佛汝是當成佛常作如是信戒品已具足也直  
指菩提心之至言也由此一起直入四威儀中常住清淨大光明  
藏用遮持犯淨行也

30傘法師出梵網心地品為題謹申七言未審法師於  
意之何 丙寅六月 莊蓮寬

要識如來種應觀孝順心撰鑪知有大  
廢井乃無余教後惟扶律情心在飲鐵  
豪端留舍利萬本示叢林

弘徽大士出音上人寫梵網經馬題  
章綴短句 甲子仲冬 湛翁



昔聞烏白稱禪伯今見智常真學人光境俱忘  
文字在浮提殘劫變成塵 四十二章三乘參  
鑄華石墨舊經龕摩挲玉版珍珠字猶  
有高層繼智曇 乙丑首夏讀梵網經書

二絕句吳昌碩年八十二

禪考吾行竹諸天字、梵音悟妙  
玄宮到經心如見佛功夫十倍坐

南園 音上人手書梵網經全部聲香處  
誦教書二千餘字藉結勝因 乙丑夏仲  
己震

見菩薩相演大雷音放出火宅陰尸陀林 丙寅四月揚州

興化佛弟子李評敬題

弘一法師別來十餘年教訪于玉泉招賢西寺  
不過本月九日得 弘傘法師即陪往見于本來寺暢

談並得 兩師贈以佛學書多種余不曾學佛然  
于其哲理則敬慕久矣民國元年與明輩有進德之  
兩會之組織亦合佛家哲理之意日來更欲對此問題有  
所討論今承

弘傘上人出此為題敬誌教誨諸如此

民國十六年七月十一日 石曾李煜瀛



敬送

聖賢為人之法莫不中道為佛 考者中  
道之根基也

弘傘大士皆遭母喪其同門弘一法師為寫  
梵網心地品以贈之云云不離中道者近是

歲辛未春寓居西湖禪寺之右樓日觀  
是幸因以識之 仲蓀徐希節敬筆

弘公大師手書梵網經菩薩心地品菩薩戒本再版影印序

中亦佛以戒、慧三學為教育大綱，世尊滅後，弘公大師為師，戒師為師，研八歲承性願老  
法亦佛以戒、慧三學為教育大綱，世尊滅後，弘公大師為師，戒師為師，研八歲承性願老  
病止，未敢受持，後報界及師教，終日書經，且字菩薩，見公之戒，本之研，不  
非止，未敢受持，後報界及師教，終日書經，且字菩薩，見公之戒，本之研，不  
乃心之戒，若不動念，便法處已，然身易放，守無可，如戒舟之  
以常持之，若不動念，便法處已，然身易放，守無可，如戒舟之  
二師之戒，若不動念，便法處已，然身易放，守無可，如戒舟之  
親師之戒，若不動念，便法處已，然身易放，守無可，如戒舟之  
轉書分勸，勉有加，時弘公平秩大，戰鼓頻催，山川阻隔，從此未多，侍座下



得聆教誨，至遺憾。迨民國十七年，四眾雲集廈門南普陀寺，公性為六十壽慶，余再傳金明三優婆塞，性公仍以此法慶秩壽誕，高僧受持本僧學戒，因弘公大專院各佛學，今歲非比尋常，幸焉。摩之，得壽，戒與公，師說承三因緣，廣，余預勝會，深培法苑。今授阿闍梨，多與公，師披大戒之時，社友學及嘉義縣，以佛教會，每有學之，緣、師弘受戒，眾團以學結緣，戒養，余再版，印未敢受，佛緣、師弘受戒，同戒莊嚴，心戒，示再版，印未敢受，佛緣、師弘受戒。

佛曆二五二八年佛成道日菩薩沙彌勝覺釋覺生證道誌

南無護法韋馱天尊菩薩



佛說梵網經菩薩戒本功德主名錄：

- 三〇、〇〇〇元：德如法師。
- 一〇、〇〇〇元：「張鐵明、張淨苜」。蔡榮輝。
- 五、〇〇〇元：蔡碧華。張淨寰。
- 一、〇〇〇元：法界眾生。佛陀教育基金會全體同仁四眾弟子。
- 三四、一五一元：佛陀教育基金會。

以上共計新台幣：九六、一五一元，恭印一、二〇〇本。

法印文號：102057

迴向：天下和順，日月清明，風雨以時，災厲不起，國豐民安，兵戈無用，崇德興仁，務修禮讓，國無盜賊，無有怨枉，強不凌弱，各得其所。祝願法界一切有情，所有六道四生，宿世冤親，現世業債，咸憑法力，悉得解脫。祝願現世者增福延壽，發菩提心，常隨佛學，勤修精進，利濟群生。祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，均續作本會之印(購)經書及運費使用，為施主廣積陰德，歡迎十方大德善加利用。

普為出資及讚誦受持 輾轉流通者回向偈曰

佛曆二五五八年(西元二〇一四年一月) 佛說梵網經菩薩戒本

恭印：一、二〇〇本 流水號：12001 書號：CH463-11

願以此功德 消除宿現業 增長諸福慧 圓成勝善根 所有刀兵劫 悉皆盡滅除 人各習禮讓 讚誦受持人 輾轉流通者 現眷咸安樂 風雨常調順 人民悉康寧 法界諸含識 同證無上道

發行人：簡豐文 財團法人佛陀教育基金會 地址：100台北市杭州南路一段五十五號十樓 網址：http://www.buddaedu.org E-mail: buddaedu@buddaedu.org 電話：(02) 23951198 傳真：(02) 23951198 劃撥戶名：財團法人佛陀教育基金會 銀行名稱：台灣銀行城中分行(請於電匯或轉帳後告知本會用途) 銀行帳號：0450004597503

本會經書免費結緣之請取方式如下： (一)親臨本會三樓講座。 (二)撥打電話：(02) 23951198 分機：11、12。 (三)網址：http://www.buddaedu.org/books。 (四)網路：http://www.buddaedu.org/books。 (五)寫信指定：本會法實流通股。 為提高服務效率，請您嚴謹考量，填選所需經書，盡量少用電話，多利用文字方式請取，並請詳細註明書名、冊數及收件人姓名、地址、電話、郵遞區號，以減少本會之處理時間，若大量申請，請註明用途，自避免姓名、地址等文字上書寫之錯誤。 歡迎翻印(請勿增刪)，贈送流通，功德無量。

本會交通

◎本會交通 歡迎翻印(請勿增刪)，贈送流通，功德無量。

本會交通 歡迎翻印(請勿增刪)，贈送流通，功德無量。

